

ԱՌԱՔԵԼՅԱՆ ԱՐՄԵՆ
(ԱԻ)
ԲԱՂԻ ԱԼ-ԳԱՄԼԻ ԱԼ-ԱՐՄԱՆԻԻ ԻՇԽԱՆՈՒԹՅՈՒՆԸ
ԵԳԻՊՏՈՍՈՒՄ
1074-1094թթ.

Ֆաթիմյան խալիֆայության 11-րդ դարի 70-ական թվականներից մինչև 12-րդ դարի 60-ական թվականների պատմությունը մի շարք պատմաբաններ անվանում են «հայական շրջան», որը պայմանավորված է ուսումնասիրվող շրջանում խալիֆայության վազիրի պաշտոնում հայերի շարունակաբար պաշտոնավարմամբ: Շուրջ մեկ հարյուրամյակ տևած այս շրջանում վազիրի պաշտոնում նշանակվել են մի շարք հայադիրներ՝ այդ թվում և՛ մուսուլմաններ, և քրիստոնյաներ: Սույն հոդվածը ներառում է հայազգի իսլամադավան Բադր Ալ-Գամալիի կյանքի և Եգիպտոսում ծավալած գործունեության լուսաբանումը:

Ֆաթիմյան խալիֆա Ալ-Մուսթաֆանի (1036-1094թթ.) իշխանության ընթացքում երկիրը մեծապես գտնվում էր զինված ուժերի և թիկնապահ զնդերի իշխանության ներքո: Վերջիններս բաղկացած էին հիմնականում երեք էթնիկ խմբերի ներկայացուցիչներից՝ բերբերներ, սուդանցիներ, լավաթիներ (աֆրիկյան՝ ցեղ)¹ և թուրքեր. որոնք խալիֆայությունը բաժանել էին յուրատեսակ ազդեցության գոտիների²: Նշված ապակենտրոն տարրերից հատկապես թուրքերի և լավաթիների միջև երկարամյա հակամարտությունը բերեց սոցիալ-տնտեսական ճգնաժամի³:

Ստեղծված պայմաններում խալիֆա Ալ-Մուսթաֆանի որոշում կայացրեց դիմել Աքքայի հայազգի կառավարիչ Բադր Ալ-Գամալիի օգնությանը՝ երկրում կենտրոնական իշխանության ազդեցության վերականգնման և անրապնդման նպատակով⁴:

Հայազգի Աբու Նիջմ Բադր Ալ-Գամալի Ալ-Արմանին եղել է Դամասկոսի կառավարիչ Ջամալ Ալ-Դաուլա Բին Ամմարիի մամուլը⁵:

որի անվան հետ է կապվում նրա Ալ-Գամալի⁸ անունը: Դերութիան տարիներին ստանձնած բոլոր աշխատանքներում Բաղդր ցուցաբերեց մեծ եռանդ և նվիրվածություն՝ նշանակվելով տարբեր պաշտոնների՝ ընդհուպ մինչև հիջրայի 455թ. (1063թ.) Դամասկոսի կառավարչի պաշտոնում հաստատվելը⁹: Դամասկոսի կառավարչի պաշտոնից հետո Բաղդր տեղափոխվում է Աքքայի կառավարչի պաշտոնին. որտեղից էլ 1073թ. խալիֆա Ալ-Մուսթանսիրը հրավիրում է նրան Եգիպտոս⁹: Բաղդր Ալ-Գամալին Կահիրե ժամանեց հիջրայի 466թ. (1074թ.)¹⁰ և շատ կարճ ժամանակամիջոցում. ստեղծված անիշխանության պայմաններում, կարողացավ դսռնալ երկրի փաստացի ղեկավարը: Եգիպտոս ժամանելուց անմիջապես հետո հայազգի զորավարը ձեռնամուխ եղավ իշխող ապակենտրոն տարրերից երկրի մաքրմանը՝ մեկ օրում բռնեց մահապատժի ենթարկելով¹¹: Խոնդրի լավագույն զիտակ Արշակ Ալպոյաճեանի կարծիքով արաբ պատմիչները ոչ միայն չեն քննադատել Բաղդր Ալ-Գամալիի կողմից իրագործված զանգվածային սպանությունները, այլև նշում են, որ իրականում այդ ճանապարհը միակն էր երկրում կենտրոնական իշխանության վերականգնման և սոցիալ-տնտեսական հետագա զարգացման համար¹²:

Ամենայն հավանականությամբ նշված իրադարձություններին է վերաբերում հայ պատմիչ Մատթեոս Ուռհայեցու ժամանակագրության մեջ առկա հետևյալ հիշատակությունը. «Մա (Ամիր ճռլ)»¹³ հայ զինվորներից բաղկացած զորագունդ հանեց Ախսիսի դեմ և պատերազմեց. որից հետո Եգիպտոսում տիրեց խաղաղությունը¹⁴ »:

Այսպիսով, հիջրայի 466թ. ջումադ ալ-աուալ ամսի 28-ին (1074թ.) Բաղդր Ալ-Գամալի Ալ-Արմանին նշանակվեց Ֆաթիմյան խալիֆայության վագիր և վարեց այդ պաշտոնը մինչև հիջրայի 487թ. (1094թ.)¹⁵: Նա ստացավ «Ձորքերի հրամանատար (Ամիր Ալ-Գուլուլ), սրի և գրչի վագիր (Վագիր աս-սեյֆ ուա ալ-կալամ), զլխավոր դատավոր (կադի ալ-կուդդաթ) և հավատացյալների աղոթքների առաջնորդ (Հադի դաաթ ալ-մումինին)» տիտղոսները¹⁶: Բաղդր Ալ-Գամալիի հաջողությունների շարքում կարևորագույններից մեկը լավ կազմակերպված և կարգապահ զինված ուժերի ստեղծումն էր, որոնց միջուկի հիմնական բաղկացուցիչը հայկական զորագնդերն էին¹⁷, որոնք զորոնականում ապացուցել էին իրենց բարձր մարտունակությունը և նվիրվածությունը հայազգի վագիրին:

Ինչպես նշում է Ա. Ալպոյաճեանը, երկրում տարիներ շարունակ տիրույթ սովոր, համաճարակները և անիշխանությունը նվազեցրել էին քաղաքի բնակչությունը: Բազմաթիվ տներ և կավածքներ. մնալով առանց տերերի, գտնվում էին կիսավեր վիճակում. որոնք էլ Բաղր Ալ-Վամալին հանձնեց իր զինվորներին. որպեսզի վերջիններս կարողանան օգտվել անտեր կավածքներից և Կահիրեում նոր տներ կառուցեն¹⁸: Անհրաժեշտ է նշել նաև, որ ոչ միայն առանց տերերի մնացած կավածքները հանձնվեցին մեծամասամբ հայազգի զինվորներին. այլև սպանված պաշտոնյաների պաշտոնները¹⁹: Ռազմական բարեփոխումների շրջանակներում կատարված կարևորագույն գործողությունների շարքում Բաղր Ալ-Վամալիի անվան հետ են կապվում Կահիրեի նոր պարսպի և երեք դարպասների (Բար Ջաուիլա (1092թ), Բար ամ-նասր և Բար ալ-Ֆութուհ (1087թ.) կառուցումը²⁰, որոնք, ի դեպ, կառուցել են Էդեսիայից ժամանած հայազգի երեք եղբայրներ²¹: Վազիր Բաղրի կառավարման ընթացքում կառուցված պաշտպանական կառույցներից անհրաժեշտ է նշել Բար Ջաուիլայի առջև կառուցված «կայծքարի սահարանը», որի ողորկ մակերեսն անհաղթահարելի խոլընդոտ պետք է հանդիսանար հարձակման դեպքում՝ թույլ չտալ ձիերի մուտքը քաղաք²²: Ըստ 15-րդ դարի արաբ պատմիչ Իբն Թադրիբիդիի՝ ազգությամբ հայ իսլամադավան վազիրը զբաղվել է նաև մզկիթաշինությամբ: Բաղր Ալ-Վամալիի կառուցած մզկիթներից խոսվում է երկուսի մասին՝ Աթթարիյի և Ալ-Վամալիի մասին, որոնցից վերջինը կառուցվել է 1085թ. Մուկադդամ լեռան վրա և կանգուն է մինչև օրս²³:

Ինչ վերաբերում է այլադավան ազգաբնակչության նկատմամբ վազիրի վերաբերմունքին, 12-րդ դարի պատմիչ Աբու Սահլ Հայը գրում է «կը կառավարեր Եգիպտոսը շնորհիվ Սուլթանին, եւ քարեկամն էր ամեն քրիստոնեից, մեծամեծաց թե ուսմկաց²⁴»:

Տնտեսության վերականգնման ու զարգացմանը ուղղված քաղաքականության դրսևորումներից է երեք տալով հողագործության ազատումը հարկերից. որը բերեց գյուղատնտեսության բարգավաճմանը²⁵: Ամիր Ալ-Վալուդը, ի զարմանս Կահիրեի առևտրականների, ոչ միայն չխլեց նրանց ունեցվածքը, այլև փոխատվություն տվեց վերջիններս՝ դրամատուն բացելու նպատակով²⁶: Ընդհանուր առմամբ Բաղր Ալ-Վամալիի իշխանության

տարիներին խալիֆայության պետական գանձարանի մուտքերը երկու միլիոն դինարից աճեցին մինչև երեք միլիոն դինար. ինչն էլ բույլ տվեց վազիրին ֆինանսական մեծ ներդրումներ կատարել քաղաքի պաշտպանական կառույցների ավելացման համար²⁷:

Բադրի վազիրության ողջ ընթացքում երկրի փաստացի կառավարումը իրականացնում էր վազիրը. ով առավել ազդեցիկ գործիչ էր. քան Ալ-Մուսթանսիր խալիֆան. ինչի մասին վկայում է «Ալլահը Չեզ հալթալ դարձրեց Բադրով» արտահայտությունը. որն ընդգրկված էր 'Նուրանի պալատական ընթերցանության բացման տեքստում²⁸:

Այսպիսով. Եգիպտոսում Բադր Ալ-Գամալի Ալ-Արմանիի իշխանության գալով սկսեց ֆաթիմյան վազիրների հայկական շուրջ մեկ հարյուրամյակ տևած շրջանը (1074-1162թթ.)²⁹, որի գրեթե ողջ ընթացքում հայազգի վազիրները միանձնյա կառավարեցին երկիրը՝ իրենց անջնջելի հետքը թողնելով Ֆաթիմյան խալիֆայության պատմության մեջ:

ARSEN ARAKELYAN

(IOS)

BADR AL-GAMALI AL-ARMANI'S REIGN IN EGYPT 1074-1094

According to several historians the period of 1074-1162 was an "Armenian period" for Fatimid caliphate. as for about a hundred years the position of Vazir was held by both Muslim and Christian Armenians.

This article includes the history of life and reign of Badr Al-Gamali Al-Armani in Egypt.

During the rule of caliph Al-Mustansir Egypt was in chaos and struggles between the Sudanese and Turkish troops of the caliph. Long lasting internal war caused hunger and plagues. In 1073 a former slave of Armenian origin, governor of Acre Badr al-Gamali was called by caliph al-Mustansir to restore the order in Egypt. Badr al-Gamali arrived in Cairo in 1074 and sharply destroyed all the dissidents. After successfully completion of cleaning of the state from the aggressors and uniting it under his control. Badr Al-Gamali started the reanimation of the Economy.

Abu Nijm Badr al-Gamali has ruled the Fatimid Caliphate for 20 years and has been the actual leader of the state being the head of the secular government, commander-in-chief and Vazir, as well as the head of court.

Badr al-Gamali Al-Armani is the first Armenian vazir, who started the "Armenian period" of Fatimid caliphate history.

ԾԱՆՈԹԱԳՐՈՒԹՅՈՒՆՆԵՐ

1. Մըսրիւհան Գ., Ալանատր Հայեր Եգիպտոսի մէջ, Գահիրէ, 1947, էջ 23
2. Հովհաննիսյան Ն., Արաբական երկրների պատմություն, հ. I, Եր., 2001, էջ 307:
3. The Encyclopaedia of Islam, Leiden, E.J.Brill 1986, p. 870
4. Իպն Խսլիքան, Վեֆայաթ էլ Ասեան, (Գէորգ Մըսրիւհանի թարգմանություն), Գահիրէ, 1935, էջ 148:
5. Մամլուք անվանվել են միջնադարյան Եգիպտոսում երիտասարդ ստրուկները, որոնք ընդունել են իսլամ, սովորել են արաբերեն և ծառայել են խալիֆայության զինված ուժերում: Էթնիկ տեսակետից մամլուքները հիմնականում թուրքերն էին և հյուսիսային Կովկասի տարբեր ժողովուրդների ներկայացուցիչներ:
6. Ջիմ արաբերեն հարֆի եգիպտոսի բարբառով Գիմ հնչողության պատճառով Ալ-Ջամալի անունը դարձել է Ալ-Գամալի և բառավերջի ի տառը նշանակում է պատկանելություն՝ խորհրդանշելով Բադրի պատկանելությունը Ջամալ Ալ-Դաուլա Բիմ Ամմարիին:
7. Սուֆեան Յ., Եգիպտոսի հայ մեմլուքներն ու իշխանները ֆարսիման շրջանին, Գահիրէ, 1928, էջ 26:
8. محمد كرد علي، خطط الشام، الجزء الاول، دمشق ١٩٠٢-١٩٨٢م، صفحة ٢٢٨
9. Ալպոյաճեան Ա., Արաբական Միացեալ Հանրապետութեան Եգիպտոսի նահանգը եւ հայերը, Գահիրէ, 1960, էջ 19:
10. اعطاء الخفا، لتقى الدين احمد بن على المقرئى، نشره و حقه و علق حواشيه و قدم له ووضع فهر الذكور جمال الدين الشبل، دار الفكر العربي، ١٩٤٨، صفحة ٢٧١
11. Թուրշան Հ., 11-րդ եւ 12-րդ դարերի Եգիպտահայ գաղութի՝ պատմությունից, Արեւելագիտության ժողովածու, հ. II, Եր., 1964, էջ 306:
12. Ալպոյաճեան Ա., նշվ. աշխ., էջ 19:
13. Ամիր Շուշ կամ Միրգուշ անունները քիտում են Ամիր Ալ-Գուլուշ եզրից, որը թարգմանաբար նշանակում է գործերի հրամանատար: Պատմագրությունը Ամիր Ալ-Գուլուշ անվանում է հայազգի վազիր Բադր Ալ-Գամալի Ալ-Արմանիին: Մատթեոս Ուտիայեցի, Ժամանակագրություն (Հ. Բարթիկյանի թարգմանություն), Եր., 1991, էջ 251:
15. محمد رفعت الامام، الارمان في مصر، ١٩٩٥ صفحة ٥٠
16. Իպն Խսլիքան, Վեֆայաթ էլ Ասեան (Գէորգ Մըսրիւհանի թարգմանություն), Գահիրէ, 1935, էջ 29:
17. Հովհաննիսյան Ն., նշվ. աշխ., էջ 308:
18. Ալպոյաճեան Ա., նշվ. աշխ., էջ 21:
19. Մըսրիւհան Գ., նշվ. աշխ., էջ 25:
20. Семенова Л. А., Из фатимидского Египта, М., 1974, с. 69.

21. Զէյրիւն Ս.. Հալութեան ներդրումը վաղ միջնադարեան եւ արդի Եգիպտոսի պատմութեան մեջ. Կանադա, 2004, էջ 33:
22. Մըսրիւն Գ.. նշվ. աշխ.. էջ 32:
23. Նույն տեղում. էջ 36:
24. Ալպոյաճեան Ա., նշվ. աշխ.. էջ 22:
25. Աքրահամյան Ա.. Համառոտ ուրվագիծ հայ գաղթավայրերի պատմության, Եր., 1964, էջ 133:
26. Ալպոյաճեան Ա., նշվ. աշխ.. էջ 20:
27. The Encyclopaedia of Islam. p. 870.
28. Սուֆեան Յ., նշվ. աշխ.. էջ 32:
29. Զէյրիւն Ս., նշվ. աշխ., էջ 34: